

**«ՎԷՄ» ԿՐԹԱՄՇԱԿՈՒԹԱՅԻՆ ՀԻՄՆԱԴՐԱՄԻ  
ՖԻՆԱՆՍԱԿԱՆ ՀԱՇՎԵՏՎՈՒԹՅՈՒՆՆԵՐ ԵՎ  
ԱՆԿԱԽ ԱՌԻԴԻՏՈՐԱԿԱՆ ԵԶՐԱԿԱՑՈՒԹՅՈՒՆ  
2023թ. ԴԵԿՏԵՄԲԵՐԻ 31-Ի ԴՐՈՒԹՅԱՄԲ**



## ԱՆԿԱՆ ԱՌԻԴԻՏՈՐԱԿԱՆ ԵԶՐԱԿԱՑՈՒԹՅՈՒՆ

### «ՎԷՄ» Կրթամշակութային Հիմնադրամի հոգեբարձուների խորհրդին

#### ԿԱՐԾԻՔ

Մեր կողմից իրականացվել է «ՎԷՄ» Կրթամշակութային Հիմնադրամի (Հիմնադրամի) ֆինանսական հաշվետվությունների աուդիտ, ընդ որում այդ հաշվետվությունները ներառում են 2023թ. դեկտեմբերի 31-ի դրությամբ ֆինանսական վիճակի մասին հաշվետվությունը, նույն ամսաթվին ավարտված տարվա համապարփակ ֆինանսական արդյունքների, սեփական կապիտալում փոփոխությունների մասին բացահայտումները, դրամական միջոցների հոսքերի մասին հաշվետվությունները, ինչպես նաև ֆինանսական հաշվետվություններին կից ծանոթագրությունները, որոնք ներառում են հաշվապահական հաշվառման քաղաքականությունը:

Մեր կարծիքով կից ֆինանսական հաշվետվությունները տալիս են Հիմնադրամի՝ 2023թ. դեկտեմբերի 31-ի դրությամբ ֆինանսական վիճակի և նույն ամսաթվին ավարտված տարվա ֆինանսական արդյունքների ու դրամական հոսքերի ճշմարիտ և իրական պատկերը՝ համաձայն ֆինանսական հաշվետվությունների միջազգային ստանդարտների (ՖՀՄՍ):

#### ԿԱՐԾԻՔԻ ՀԻՄՔԵՐ

Մենք աուդիտն իրականացրել ենք աուդիտի միջազգային ստանդարտներին (ԱՄՍ) համապատասխան: Այդ ստանդարտներից բխող մեր պատասխանատվությունը լրացուցիչ նկարագրված է մեր եզրակացության՝ «Աուդիտորի պատասխանատվությունը ֆինանսական հաշվետվությունների աուդիտի համար» բաժնում: Մենք անկախ ենք Հիմնադրամից՝ համաձայն Հաշվապահների միջազգային դաշնության պրոֆեսիոնալ հաշվապահների վարքագրի (ՀՄԴ-ի Վարքագիրը) և Հայաստանի Հանրապետությունում կիրառելի ֆինանսական հաշվետվությունների աուդիտի նկատմամբ վարքագծի պահանջների, և մենք կատարել ենք վարքագծի նկատմամբ մեր մյուս պարտականությունները՝ այդ պահանջների համաձայն: Մենք համոզված ենք, որ ձեռք ենք բերել բավականաչափ ու համապատասխան աուդիտորական ապացույցներ՝ մեր կարծիքն արտահայտելու համար:

#### ՂԵԿԱՎԱՐՈՒԹՅԱՆ ԿԱՌԱՎԱՐՄԱՆ ՕՂԱԿԵՐՈՒՄ ՆԵՐԳՐԱՎԱԾ ԱՆՁԱՆՑ

#### ՊԱՏԱՍԽԱՆԱՏՎՈՒԹՅՈՒՆԸ ՖԻՆԱՆՍԱԿԱՆ ՀԱՇՎԵՏՎՈՒԹՅՈՒՆՆԵՐԻ ՀԱՄԱՐ

Հիմնադրամի ղեկավարությունը պատասխանատու է ՖՀՄՍ-ներին համապատասխան ֆինանսական հաշվետվությունների կազմման և ճշմարիտ ներկայացման համար: Այդ նպատակով ղեկավարությունը սահմանում է անհրաժեշտ վերահսկողության համակարգ, որը թույլ է տալիս պատրաստել ֆինանսական հաշվետվություններ, որոնք ազատ են խարդախության կամ սխալի արդյունքում էական խեղաթյուրումից:

Ֆինանսական հաշվետվությունները պատրաստելիս, ղեկավարությունը պատասխանատու է Հիմնադրամի՝ անընդհատ գործելու հնարավորությունը գնահատելու, անընդհատ գործելուն առնչվող հարցերը բացահայտելու (եթե կիրառելի է), ինչպես նաև գործունեության անընդհատության ենթադրության վրա հիմնված հաշվառում վարելու համար, քանի դեռ ղեկավարությունը չի



նախատեսում լուծարել Հիմնադրամը կամ դադարեցնել դրա գործունեությունը կամ չունի իրատեսական այլընտրանք, բացի նշվածները:

Կառավարման օղակներում ներգրավված անձիք պատասխանատու են Հիմնադրամի ֆինանսական հաշվետվությունների կազմման գործընթացը վերահսկելու համար:

#### ԱՌԻԴԻՏԻ ՊԱՏԱՍԽԱՆԱՏՎՈՒԹՅՈՒՆԸ ՖԻՆԱՆՍԱԿԱՆ ՀԱՇՎԵՏՎՈՒԹՅՈՒՆՆԵՐԻ ԱՌԻԴԻՏԻ ՀԱՄԱՐ

Մեր նպատակն է ձեռք բերել ողջամիտ հավաստիացում խարդախությունների կամ սխալների հետևանքով ֆինանսական հաշվետվությունների էական խեղաթյուրումներից զերծ լինելու վերաբերյալ, ինչպես նաև ներկայացնել աուդիտորի եզրակացություն , որը կներառի մեր կարծիքը: Ողջամիտ հավաստիացումը բարձր աստիճանի հավաստիացում է, սակայն այն երաշխիք չի հանդիսանում, որ ԱՄՍ-ների համապատասխան իրականացված աուդիտը միշտ կհայտնաբերի էական խեղաթյուրումներ, երբ այդպիսիք կան: Խեղաթյուրումները կարող են առաջանալ խարդախության կամ սխալի հետևանքով և համարվում են էական, եթե ակնկալվում է, որ դրանք առանձին-առանձին կամ միասին վերցված կարող են ազդել այս ֆինանսական հաշվետվությունների օգտագործողների՝ դրնաց հիման վրա կայացրած տնտեսական որոշումների վրա:

ԱՄՍ-ների համապատասխան իրականացվող աուդիտի շրջանակներում մենք կիրառում ենք պմանագիտական դատողություն և պահպանում ենք մասնագիտական կասկածամտություն ամբողջ աուդիտի ընթացքում: Բացի այդ, մենք.

- Բացահայտում և գնահատում ենք ֆինանսական հաշվետվություններում խարդախության կամ սխալի հետևանքով էական խեղաթյուրման ռիսկերը, նախագծում և իրականացնում ենք այդ ռիսկերին ուղղված աուդիտորական ընթացակարգեր, և ձեռք ենք բերում բավականաչափ ու համապատասխան աուդիտորական ապացույցներ՝ մեր կարծիքն արտահայտելու համար: Խարդախության արդյունք հանդիսացող էական խեղաթյուրման չբացահայտման ռիսկն ավելի մեծ է, քան սխալի հետևանքով առաջացած խեղաթյուրման չբացահայտման ռիսկը, քանի որ խարդախությունը կարող է ներառել հանցավոր համաձայնություն, փաստաթղթերի կեղծում, միտումնավոր բացթողումներ, կեղծ հայտարարությունների տրամադրում կամ ներքին վերահսկողության համակարգի չարաշահում:
- Պատկերացում ենք կազմում աուդիտին առնչվող ներքին վերահսկողության վերաբերյալ, որպեսզի մշակենք համապատասխան աուդիտորական ընթացակարգեր, բայց ոչ Հիմնադրամի ներքին վերահսկողության արդյունավետության վերաբերյալ կարծիք արտահայտելու համար:
- Գնահատում ենք կիրառվող հաշվապահական հաշվառման քաղաքականության պատշաճությունը, ինչպես նաև ղեկավարության կատարված հաշվապահական գնահատումների և համապատասխան բացահայտումների ողջամտությունը:

- Եզրահանգումներ ենք կատարում ղեկավարության կողմից անընդհատության սկզբունքի կիրառման տեղին լինելու վերաբերյալ և ձեռք բերված աուդիտորական ապացույցների հիման վրա հետևություն ենք անում, թե արդյոք առկա է իրադարձությունների կամ հանգամանքների հետ կապված էական անորոշություն, որը կարող է էական կասկած առաջացնել Հիմնադրամի անընդհատ գործելու հնարավորության վերաբերյալ: Եթե մենք գալիս ենք եզրահանգման, որ գոյություն ունի էական անորոշություն, մենք պետք է մեր աուդիտորական եզրակացությունում ուշադրություն հրավիրենք ֆինանսական հաշվետվություններում համապատասխան բացահայտումներին, կամ, եթե նման բացահայտումները պատշաճ կերպով ներկայացված չեն, մենք պետք է ձևափոխենք կարծիքը: Մեր եզրահանգումները հիմնված են մինչև մեր աուդիտորական եզրակացության ամսաթիվը ձեռք բերված աուդիտորական ապացույցների վրա: Այնուամենայնիվ, ապագա իրադարձությունները կամ հանգամանքները կարող են հանգեցնել նրան, որ Հիմնադրամը կորցնի իր անընդհատ գործելու կարողությունը:
- Գնահատում ենք ընդհանուր առմամբ ֆինանսական հաշվետվությունների ներկայացումը, կառուցվածքը և բովանդակությունը, ներառյալ բացահայտումները և արդյոք ֆինանսական հաշվետվությունները ներկայացնում են դրանց հիմքում ընկած գործարքներն ու իրադարձությունները այն ձևով, որն ապահովում է ճշմարիտ ներկայացումը:

Այլ հարցերի հետ մեկտեղ, մենք հաղորդակցում ենք կառավարման օղակներում ներգրավված անձանց հետ աուդիտի պլանավորված շրջանակների և ժամկետների, ինչպես նաև աուդիտի ընթացքում հայտնաբերված էական թերացումների վերաբերյալ, որոնք ներառում են աուդիտի ընթացքում մեր կողմից բացահայտված ներքին վերահսկողության կարևոր թերությունները:

Ք. Երևան- 10.06.2024թ.

ՊԻ ԿԱ ԷՖ ԱՌԻԴԻՏ ՍԵՐՎԻՍ ՍՊԸ

Գլխավոր տնօրեն

Գրո Դավթյան

Որակավորված աուդիտոր՝

Գայանե Թովմասյան



## **Բովանդակություն**

### **Անկախ աուդիտորական եզրակացություն**

#### **Ֆինանսական հաշվետվություններ**

|                                                          |   |
|----------------------------------------------------------|---|
| Ֆինանսական վիճակի մասին հաշվետվություն                   | 2 |
| Համապարփակ ֆինանսական արդյունքների մասին հաշվետվություն  | 3 |
| Սեփական կապիտալում փոփոխությունների մասին բացահայտումներ | 4 |
| Դրամական միջոցների հոսքերի մասին հաշվետվություն          | 5 |
| Ֆինանսական հաշվետվություններին կից ծանոթագրություններ    | 6 |



| ‘000 դրամ                                     | Ծանոթ. | 31/12/23       | 31/12/22       |
|-----------------------------------------------|--------|----------------|----------------|
| <b>Ակտիվ</b>                                  |        |                |                |
| Հիմնական միջոցներ                             | 11     | 1,111          | 1,664          |
| Ֆինանսական ակտիվներ                           | 12     | 6,600          | 6,600          |
| <b>Ընդամենը ոչ ընթացիկ ակտիվներ</b>           |        | <b>7,711</b>   | <b>8,264</b>   |
| Պաշարներ                                      |        | 1,492          | 1,827          |
| Դեբիտորական պարտքեր                           |        | 1,723          | 1,086          |
| Տրված կանխավճարներ                            | 13     | 56             | -              |
| Ընթացիկ ֆինանսական ակտիվներ                   | 14     | 19,300         | 17,500         |
| Դրամական միջոցներ և դրանց համարժեքներ         | 15     | 7,408          | 14,154         |
| Այլ ընթացիկ ակտիվներ                          |        | 1,808          | 1,119          |
| <b>Ընդամենը ընթացիկ ակտիվներ</b>              |        | <b>31,786</b>  | <b>35,686</b>  |
| <b>Ընդամենը ակտիվներ</b>                      |        | <b>39,497</b>  | <b>43,950</b>  |
| <b>Ջուտ ակտիվներ և պարտավորություններ</b>     |        |                |                |
| <b>Ջուտ ակտիվներ</b>                          |        |                |                |
| Տարվա արդյունք                                | 16     | (8,453)        | (9,144)        |
| <b>Ընդամենը զուտ ակտիվներ</b>                 |        | <b>(8,453)</b> | <b>(9,144)</b> |
| <b>Ոչ ընթացիկ պարտավորություններ</b>          |        |                |                |
| Ակտիվներին վերաբերող շնորհներ                 | 17     | 7,711          | 7,849          |
| <b>Ընդամենը ոչ ընթացիկ պարտավորություններ</b> |        | <b>7,711</b>   | <b>7,849</b>   |
| Եկամուտներին վերաբերող շնորհներ               | 17     | 39,544         | 44,461         |
| Առևտրական և այլ կրեդիտորական պարտքեր          | 18     | 695            | 784            |
| Այլ ընթացիկ պարտավորություններ                |        | -              | -              |
| <b>Ընդամենը ընթացիկ պարտավորություններ</b>    |        | <b>40,239</b>  | <b>45,245</b>  |
| <b>Ընդամենը պարտավորություններ</b>            |        | <b>39,497</b>  | <b>43,950</b>  |

Սույն Ֆինանսական հաշվետվությունները ընդունվել և հաստատվել են Հիմնադրամի ղեկավարության կողմից 10.06.2024թ., 6-18 էջերի ծանոթագրությունները կազմում են ֆինանսական հաշվետվությունների անբաժանելի մասը

«ՎԷՄ» ԿՐԹԱՄՇԱԿՈՒԹԱՅԻՆ ՀԻՄՆԱԴՐԱՄ  
ԳՈՐԾԱԴԻՐ ՏԵՕՐԵՆ

ԾԱՌԱՅԱՆ

ԳԼԽԱՎՈՐ ՀԱՇՎԱՊԱՀ՝

Ա ՀՈՎՀԱՆՆԻՍՅԱՆ



**«ՎԷՄ» ԿՐԹԱՄԵԿՈՒԹԱՅԻՆ ՀԻՄՆԱԴՐԱՄ**  
**Համապարփակ ֆինանսական արդյունքների մասին հաշվետվություն**  
**2023թ. դեկտեմբերի 31-ին ավարտվող տարվա համար**

| ‘000 դրամ                                 | Ծանոթ. | 31/12/23        | 31/12/22         |
|-------------------------------------------|--------|-----------------|------------------|
| Եկամուտներին վերաբերող շնորհներից եկամուտ | 5      | 94,177          | 118,531          |
| Ակտիվներին վերաբերող շնորհներից եկամուտ   | 5      | 1,075           | 625              |
| Այլ եկամուտ                               | 6      | 631             | 532              |
| <b>Ընդամենը եկամուտ</b>                   |        | <b>95,883</b>   | <b>119,688</b>   |
| Վարչական ծախսեր                           | 7      | (37,042)        | (41,438)         |
| Գործառնական ծախսեր                        | 8      | (56,259)        | (76,337)         |
| Այլ ծախսեր                                |        | (1,950)         | (1,382)          |
| <b>Ընդամենը ծախսեր</b>                    |        | <b>(95,251)</b> | <b>(119,156)</b> |
| Ոչ գործառնական այլ եկամուտ/ծախս           | 9      | 60              | (9,078)          |
| <b>Արդյունք մինչև հարկերը</b>             |        | <b>691</b>      | <b>(8,546)</b>   |
| Շահութահարկի գծով (ծախս)/եկամուտ          | 10     | -               | -                |
| <b>Տարվա արդյունք</b>                     |        | <b>691</b>      | <b>(8,546)</b>   |

**«ՎԷՄ» ԿՐԹԱՄԵԿՈՒԹԱՅԻՆ ՀԻՄՆԱԴՐԱՄ**

ԳՈՐԾԱԴԻՐ ՏՆՕՐԵՆ՝

ԵՄ ՄԵՐՈՍՅԱՆ

ԳԼԽԱՎՈՐ ՀԱՇՎԱՊԱՀ՝

ՍԷ ՀՈՎՀԱՆՆԻՍՅԱՆ



| Հազար դրամ                                                         | Կուտակված<br>արդյունք | Ընդամենը |
|--------------------------------------------------------------------|-----------------------|----------|
| Մնացորդը առ 31 դեկտեմբերի 2021թ.<br>Տարվա արդյունք                 | (1,245)               | (1,245)  |
| Նախորդ տարվա արդյունքի ճշգրտում                                    | (8,546)               | (8,547)  |
| Մնացորդը առ 31 դեկտեմբերի 2022թ.<br>Աուդիտ անցած<br>Տարվա արդյունք | 647                   | 647      |
| Մնացորդը առ 31 դեկտեմբերի 2023թ.<br>Աուդիտ անցած                   | (9,144)               | (9,144)  |
|                                                                    | 691                   | 691      |
| Մնացորդը առ 31 դեկտեմբերի 2023թ.<br>Աուդիտ անցած                   | (8,453)               | (8,453)  |

«ՎԷՄ» ԿՐԹԱՄՇԱԿՈՒԹԱՅԻՆ ՀԻՄՆԱԴՐԱՄ

ԳՈՐԾԱԴԻՐ ՏՆՕՐԵՆ՝

Մ. ԱՐԱՄՅԱՆ

ԳԼԽԱՎՈՐ ՀԱՇՎԱԳԱՏ՝

Ա. ՀՈՎՀԱՆՆԻՍՅԱՆ





| ‘000 դրամ                                                       | 31/12/23       | 31/12/22       |
|-----------------------------------------------------------------|----------------|----------------|
| <b>Գործառնական գործունեությունից դրամական հոսքեր</b>            |                |                |
| Ստացված շնորհներ                                                | 89,249         | 131,733        |
| Գործառնական գործունեությունից դրամական միջոցների ներհոսքեր      | 589            | 460            |
| Այլ մուտքեր                                                     | -              | 18             |
| Աշխատակիցներին վճարված դրամական միջոցներ                        | (22,554)       | (29,242)       |
| Մատակարարներին վճարված դրամական միջոցներ                        | (6,353)        | (2,557)        |
| Վճարումներ ծառայությունների դիմաց                               | (941)          | (2,045)        |
| Վճարումներ պետական բյուջե                                       | (7,315)        | (8,848)        |
| Կանոնադրական նպատակներին ուղղված միջոցներ                       | (56,259)       | (76,337)       |
| Գործառնական գործունեությունից դրամական միջոցների այլ արտահոսքեր | (1,422)        | (1,062)        |
| <b>Գործառնական գործունեությունից դրամական զուտ հոսքեր</b>       | <b>(5,006)</b> | <b>12,120</b>  |
| <b>Ներդրումային գործունեությունից դրամական հոսքեր</b>           |                |                |
| հիմնական միջոցների վաճառքից                                     | -              | --             |
| հիմնական միջոցների ձեռքբերումից                                 | -              | -              |
| <b>Ներդրումային գործունեությունից դրամական զուտ հոսքեր</b>      |                |                |
| <b>Ֆինանսական գործունեությունից դրամական հոսքեր</b>             |                |                |
| Փոխառությունների վերադարձից մուտքեր                             | 1,200          | -              |
| Փոխառությունների տրամադրումից ելքեր                             | (3,000)        | (8,000)        |
| <b>Ֆինանսական գործունեությունից դրամական զուտ հոսքեր</b>        | <b>(1,800)</b> | <b>(8,000)</b> |
| <b>Ընդամենը դրամական միջոցների զուտ հոսքեր</b>                  | <b>(6,806)</b> | <b>4,120</b>   |
| արտարժույթի փոխարժեքային տարբերություններ                       | 60             | (9,078)        |
| <b>Դրամական միջոցների մնացորդը առ 1 հունվարի</b>                | <b>14,154</b>  | <b>19,112</b>  |
| <b>Դրամական միջոցների մնացորդը առ 31 դեկտեմբերի</b>             | <b>7,408</b>   | <b>14,154</b>  |

«ՎԷՄ» ԿՐԹԱՄՇԱԿՈՒԹԱՅԻՆ ՀԻՄՆԱԴՐԱՄ

ԳՈՐԾԱԴԻՐ ՏՆՕՐԵՆ՝

Վ. ԱՐԱՄՅԱՆ

ԳԼԽԱՎՈՐ ՀԱՇՎԱՊԱՀ՝

Յ. ԲԱՐՍԵՂՅԱՆԻԱՅԱՆ



## 1. ՆԵՐԱԾՈՒԹՅՈՒՆ

### 1.1 ՀԻՄՆԱԴՐԱՄԻ ՆԿԱՐԱԳԻՐԸ

«ՎԷՄ» կրթամշակութային հիմնադրամը (այսուհետ՝ Հիմնադրամ) հիմնադրի կողմից կամավոր գույքային վճարների հիման վրա, ոչ նյութական պահանջմունքների բավարարման նպատակով ստեղծված և անդամություն չունեցող ոչ առևտրային կազմակերպություն է, որը հետապնդում է կրթական, մշակութային, սոցիալական, բարեգործական և այլ հանրօգուտ նպատակներ:

Հիմնադրամը գրանցված է ՀՀ պետական ռեգիստրի Կենտրոնական մարմնի կողմից 2016թ-ի մարտի 25-ին, գրանցման համարն է 222-160-893290, վկայականի համարն է 03Ա-1043290: Հիմնադրամի կանոնադրությունը գրանցված է 25.03.2016թ-ին:

- Հիմնադրամի անվանումն է՝ «ՎԷՄ» կրթամշակութային հիմնադրամ:
- Հիմնադրամի գտնվելու վայրն է. Հայաստանի Հանրապետություն, ք.Երևան 0010, Բյուզանդի 1/3:

### 1.2 ՀԻՄՆԱԴՐԱՄԻ ՆՊԱՏԱԿՆԵՐՆ ՈՒ ԳՈՐԾԱՌՆՈՒԹՅՈՒՆՆԵՐԻ ԲՆՈՒՅԹԸ

Հիմնադրամի հիմնական նպատակներն են .

- Ազգային, հոգևոր, մշակութային ժառանգության ուսումնասիրությունը, վերլուծությունը, լուսաբանումը, արդիականացումը և տարածումը:
- Հայկական կրթության զարգացումը և մրցունակության բարձրացումը, հայ դպրության ավանդների և համաշխարհային կրթական ձեռքբերումների ուսումնասիրությունը և վերլուծությունը, կրթական և գիտական ծրագրերի իրականացումը, կրթաթոշակների տրամադրումը:
- Կրթական տարաբնույթ ծրագրերի իրականացումը:
- Երեխաների և երիտասարդության հայրենասիրական ու հոգևոր դաստիարակությանն աջակցումը: Ազգային ու հոգևոր արժեքների պահպանման և վերականգնման օժանդակումը:
- Մանկատներին, ծերանոցներին, անապահով ընտանիքներին, խնամագուրկ ծերերին և երեխաներին օգնության տրամադրումը:
- Նախադպրոցական տարիքի սովորողներին, դպրոցականներին, ուսանողներին և երիտասարդ մասնագետներին ուսումնական և գործնական ոլորտներում աջակցումը:
- Սոցիալական, կրթական, մշակութային և բարեգործական միջոցառումների իրականացումը:
- Կրթության և գիտության բնագավառում խորհրդատվությունների տրամադրում :
- Կրթության և գիտության բնագավառում հետազոտությունների իրականացում և ծրագրերի մշակում:

2023 թ-ի դեկտեմբերի 31-ի դրությամբ Հիմնադրամն ունեցել է 11 աշխատակից (2022թ-ին՝ 8 աշխատակից):



## 2. ՊԱՏՐԱՍՏՄԱՆ ՀԻՄՈՒՆՔՆԵՐ

### (ա) Համապատասխանության մասին հայտարարություն

Սույն ֆինանսական հաշվետվությունները պատրաստվել են համաձայն Ֆինանսական հաշվետվությունների միջազգային ստանդարտների (ՖՀՄՍ) պահանջների:

### (բ) Չափման հիմունքները

Ֆինանսական հաշվետվությունները պատրաստվել են սկզբնական արժեքի հիմունքով:

Հիմնադրամն իր ֆինանսական հաշվետվությունները պատրաստել է հաշվեգրման հիմունքով, բացառությամբ դրամական միջոցների հոսքերի մասին հաշվետվության:

### (գ) Ֆունկցիոնալ և ներկայացման արժույթ

Հայաստանի Հանրապետության ազգային արժույթը ՀՀ դրամն է (դրամ), որը հանդիսանում է Հիմնադրամի ֆունկցիոնալ արժույթը և սույն ֆինանսական հաշվետվությունների ներկայացման արժույթը: Ֆինանսական ամբողջ տեղեկատվությունը ներկայացված է դրամով՝ հազարների ճշտությամբ:

### (դ) Անընդհատություն

Հաշվետվությունները պատրաստվել են՝ հիմնվելով այն գնահատման վրա, որ Հիմնադրամն իր գործունեությունն իրականացնում է անընդհատության սկզբունքից ելնելով: Հիմնադրամի ղեկավարությունը գտնում է, որ իրացվելիության ընթացիկ մակարդակը բավարար է կայուն գործունեության համար:

## 3. ԳՆԱՀԱՏՈՒՄՆԵՐԻ և ԴԱՏՈՂՈՒԹՅՈՒՆՆԵՐԻ ՕԳՏԱԳՈՐԾՈՒՄ

Այս ֆինանսական հաշվետվությունները ՖՀՄՍ-ի պահանջներին համապատասխան պատրաստելու համար ղեկավարությունը կատարել է մի շարք դատողություններ, գնահատումներ և ենթադրություններ, որոնք ազդեցություն ունեն հաշվապահական հաշվառման քաղաքականության կիրառման, ինչպես նաև ակտիվների, պարտավորությունների, եկամտի և ծախսի ներկայացված գումարների վրա: Փաստացի արդյունքները կարող են տարբերվել այդ գնահատումներից:

Գնահատումներն ու համապատասխան ենթադրությունները շարունակաբար վերանայվում են: Հաշվապահական գնահատումների վերանայումները ճանաչվում են այն ժամանակաշրջանում որում վերանայվել են և այն ապագա ժամանակաշրջաններում, որոնց վրա կարող են ազդեցություն ունենալ:

## 4. ՀԱՇՎԱՊԱՀԱԿԱՆ ՀԱՇՎԱՌՄԱՆ ՔԱՂԱՔԱԿԱՆՈՒԹՅՈՒՆ

Հիմնադրամի հաշվապահական հաշվառման քաղաքականությունը կիրառվել է հետևողականորեն սույն ֆինանսական հաշվետվություններում ներկայացված բոլոր ժամանակաշրջանների նկատմամբ:



#### **4.1 ՀԻՄՆԱԿԱՆ ՄԻՋՈՑՆԵՐ**

Հիմնական միջոցների միավորը, որը կարող է ճանաչվել որպես ակտիվ, չափվում է իր սկզբնական արժեքով: Երբ հիմնական միջոցների միավորը բաղկացած է տարբեր օգտակար ծառայության ժամկետ ունեցող խոշոր բաղկացուցիչներից, հաշվառվում են որպես հիմնական միջոցի առանձին միավորներ:

Սկզբնական արժեքի մոդել

Հիմնական միջոցները հաշվառվում են սկզբնական արժեքով՝ հանած կուտակված մաշվածությունը և արժեզրկումից կորուստները: Սկզբնական արժեքը ներառում է ուղղակիորեն վերագրելի ծախսումները, տեղանքի նախապատրաստման, տեղակայման ծախսումները, մասնագիտական վճարները:

Հետագա ծախսումներ

Հիմնական միջոցի՝ որպես առանձին ակտիվ հաշվառվող միավորի բաղկացուցիչի փոխարինման ծախսումներ, կապիտալացվում են դուրս գրված բաղկացուցիչի հաշվեկշռային արժեքի հետ: Այլ հետագա ծախսումները կապիտալացվում են միայն այն ժամանակ, երբ դրանք ավելացվում են հիմնական միջոցի միավորի հետ կապված ապագա տնտեսական օգուտները: Բոլոր այլ ծախսումները, ներառյալ պահպանման և վերանորոգման ծախսումները, ճանաչվում են ֆինանսական արդյունքների մասին հաշվետվությունում դրանց տեղի ունենալու ժամանակ:

Մաշվածություն

Յուրաքանչյուր ժամանակաշրջանի մաշվածության գումարը ճանաչվում է շահույթում կամ վնասում բացառությամբ, եթե այն ներառվել է մեկ այլ ակտիվի հաշվեկշռային արդյունքում: Մաշվածության հաշվարկը սկսվում է այն պահից, երբ ակտիվը դառնում է մատչելի իր նպատակային նշանակությամբ օգտագործելու համար: Մաշվածությունը ճանաչվում է ֆինանսական արդյունքների մասին հաշվետվությունում՝ կիրառելով գծային մեթոդը, հիմնական միջոցի օգտակար ծառայության ժամկետի ընթացքում:

Հիմնական միջոցների գնահատված օգտակար ծառայության ժամկետները հետևյալն են.

- |                                                    |            |
|----------------------------------------------------|------------|
| • Արտադրական և տնտեսական գույք                     | - 5 տարի   |
| • Համակարգչային տեխնիկա, հաղորդակցական սարքավորանք | - 3-6 տարի |
| • Այլ հիմնական միջոցներ                            | - 8 տարի   |

#### **4.2 ՖԻՆԱՆՍԱԿԱՆ ԳՈՐԾԻՔՆԵՐ**

Ֆինանսական ակտիվները կամ ֆինանսական պարտավորությունները ճանաչվում են, երբ Հիմնադրամը դառնում է ֆինանսական գործիքի պայմանագրային կողմ:

Ֆինանսական ակտիվները ապաճանաչվում են, երբ լրանում են ֆինանսական ակտիվից ակնկալվող դրամական հոսքերի նկատմամբ պայմանագրային իրավունքները, կամ այն ժամանակ, երբ ֆինանսական ակտիվները բոլոր նշանակալից ռիսկերով ու հատուցումներով փոխանցվում են երրորդ կողմին:

Ֆինանսական պարտավորությունները ապաճանաչվում են, երբ դրանք մարվում են, վճարման ենթակա չեն, չեղյալ են ճանաչվել կամ լրացել է դրանց ուժի մեջ լինելու ժամկետը:

Ֆինանսական ակտիվները և ֆինանսական պարտավորությունները սկզբնապես ճանաչվում են իրական արժեքով՝ գումարած գործարքի հետ կապված ծախսումները՝ բացառությամբ այն ֆինանսական ակտիվների և ֆինանսական պարտավորությունների, որոնք սկզբնապես դասակարգվում են որպես ֆինանսական ակտիվներ և ֆինանսական պարտավորություններ՝ չափվող իրական արժեքով՝ շահույթի կամ վնասի միջոցով, որոնք սկզբնապես չափվում են իրական արժեքով:

Ֆինանսական ակտիվների և ֆինանսական պարտավորությունների հետագա չափումը ներկայացված է ստորև:

### **Ֆինանսական ակտիվներ**

Ֆինանսական ակտիվները, բացառությամբ հեջավորման գործիքների, դասակարգվում են՝

- Փոխառություններ և դեբիտորական պարտքեր,
- Ֆինանսական ակտիվներ՝ չափվող իրական արժեքով՝ շահույթի կամ վնասի միջոցով,
- Վաճառքի համար մատչելի ֆինանսական ակտիվներ,
- Մինչև մարման ժամկետը պահվող ներդրումներ:

Ֆինանսական ակտիվները սկզբնական ճանաչման ժամանակ վերագրվում են տարբեր կատեգորիաների՝ կախված գործիքի բնույթից և նպատակից: Ֆինանսական գործիքի կատեգորիան համապատասխանում է այն սկզբունքին, որով չափվում է տվյալ գործիքը և որը ցույց է տալիս, թե իրական արժեքի փոփոխության արդյունքում ստացվող օգուտներն ու վնասները պետք է ճանաչվեն համապարփակ ֆինանսական արդյունքների մասին հաշվետվությունում, թե ուղղակիորեն սեփական կապիտալում:

Ընդհանուր առմամբ, Հիմնադրամի բոլոր ֆինանսական ակտիվները ճանաչվում են՝ օգտագործելով վերջնահաշվարկի ամսաթվի հաշվառումը: Ֆինանսական ակտիվի արժեզրկման գնահատումն իրականացվում է առնվազն յուրաքանչյուր հաշվետու ամսաթվի դրությամբ: Ֆինանսական ակտիվների հետ կապված բոլոր ծախսերը և եկամուտները ճանաչվում են ֆինանսական արդյունքների մասին հաշվետվությունում՝ համապատասխանաբար «Ֆինանսական ծախս» և «Ֆինանսական եկամուտ» կամ «Այլ ֆինանսական արդյունքներ» հոդվածներում, բացառությամբ առևտրային դեբիտորական պարտքերի արժեզրկման, որը ներկայացվում է «Այլ ծախսեր» հոդվածում:

### **Փոխառություններ և դեբիտորական պարտքեր**

Փոխառություններն ու դեբիտորական պարտքերը ֆիքսված կամ որոշելի վճարումներով ոչ ածանցյալ ֆինանսական ակտիվներ են, որոնք չեն գնանշվում ակտիվ շուկայում և ներառում են առևտրային և այլ դեբիտորական պարտքերը, ինչպես նաև մնացորդները դրամարկղում և բանկերում:

### **Առևտրային և այլ դեբիտորական պարտքեր**

Ընթացիկ դեբիտորական պարտքերը ճանաչվում են իրական արժեքով: Հետագայում դրանք հաշվառվում են ամորտիզացված արժեքով՝ հանած արժեզրկման պահուստը:



## **Ֆինանսական պարտավորություններ**

### **Վարկեր և փոխառություններ**

Վարկերը և փոխառությունները սկզբնապես ճանաչվում են իրական արժեքով՝ առանց գործարքային ծախսերի: Սկզբնական ճանաչումից հետո վարկերը և փոխառությունները չափվում են ամորտիզացված արժեքով, իսկ այդ արժեքի և մարման արժեքի միջև տարբերությունը փոխառության ժամկետի ընթացքում ճանաչվում է համապարփակ ֆինանսական արդյունքների մասին հաշվետվությունում:

### **Առևտրային և այլ կրեդիտորական պարտքեր**

Կրեդիտորական պարտքերը ճանաչվում են իրական արժեքով, հետագայում չափվում են ամորտիզացված արժեքով:

## **4.3 ՊԱՀՈՒՍՆԵՐ**

Պահուստը ճանաչվում է այն ժամանակ, երբ Հիմնադրամն անցյալ դեպքերի արդյունքում ունի իրավական կամ կառուցողական պարտավորություն և, հավանական է, որ պարտավորության մարումը կպահանջի տնտեսական օգուտներ մարմնավորող միջոցների արտահոսք և հնարավոր կլինի պարտավորության գումարը արժանահավատորեն գնահատել:

## **4.4 ԱՐՏԱՐԺՈՒՅԹՈՎ ԳՈՐԾԱՐՔՆԵՐ**

Ֆինանսական հաշվետվություններ պատրաստելիս Հիմնադրամի համար գործառնական արժույթից տարբեր այլ արժույթով իրականացված գործարքները գրանցվում են գործարքի օրվա դրությամբ Հայաստանի Հանրապետության Կենտրոնական Բանկի (ՀՀ ԿԲ) կողմից հրապարակված փոխարժեքով: Յուրաքանչյուր հաշվետու ամսաթվի դրությամբ արտարժույթով դրամային հոդվածները պետք է վերահաշվարկվեն՝ կիրառելով այդ ամսաթվի դրությամբ ՀՀ ԿԲ կողմից հրապարակված փոխարժեքը: 2023թ. Դեկտեմբերի 31-ի դրությամբ 1 ԱՄՆ դոլարի փոխարժեքը 404.79 դրամ է (2022թ. Դեկտեմբերի 31-ի դրությամբ՝ 393.57):

Արտարժույթային գործարքներից, ինչպես նաև արտարժույթով արտահայտված դրամային հոդվածների վերահաշվարկումից առաջացած փոխարժեքային տարբերությունները ճանաչվում են համապարփակ ֆինանսական արդյունքների մասին հաշվետվությունում որպես այլ ոչ գործառնական եկամուտ կամ ծախս:

## **4.6 ՇՆՈՐՀՆԵՐ**

Ակտիվներին վերաբերող շնորհների հիմնական պայմանն այն է, որ դրանց ստացման իրավունք ունեցող կազմակերպությունը պետք է գնի, կառուցի կամ որևէ այլ կերպ ձեռք բերի երկարաժամկետ ակտիվներ:

Եկամուտներին վերաբերող շնորհները ակտիվներին վերաբերող շնորհներից տարբերվող շնորհներ են:

Շնորհը, որպես ոչ դրամային հոդված, յուրաքանչյուր հաշվետու ժամանակաշրջանի վերջին հաշվառվում է գործառնության ամսաթվի փոխարժեքով՝ երբ գործառնությունն առաջին անգամ որակվում է որպես ճանաչման ենթակա՝ ՖՀՄՄ-ների համաձայն:

Շնորհները ճանաչվում են շահույթում կամ վնասում պարբերաբար այն ժամանակաշրջանների ընթացքում, երբ Հիմնադրամը որպես ծախս է ճանաչում դրանց համապատասխան ծախսումները, որոնց փոխհատուցման համար նախատեսված են շնորհները: Որոշակի ծախսերի համար տրված շնորհները



ճանաչվում են շահույթում կամ վնասում նույն ժամանակաշրջանում, որում ճանաչվում են այդ համապատասխան ծախսերը: Նմանապես, մաշվող(ամորտիզացվող) ակտիվներին վերաբերող շնորհները սովորաբար ճանաչվում են շահույթում կամ վնասում այն ժամանակաշրջանների ընթացքում և այն համամասնություններով, որոնք համապատասխանում են այդ ակտիվների մաշվածության ծախսերի ճանաչմանը: Շնորհը, որը ստացման ենթակա է դառնում ի հատուցում արդեն կրած ծախսերի կամ վնասների, կամ որի նպատակն է կազմակերպությանը տրամադրել անհետաձգելի ֆինանսական օգնություն՝ առանց դրա հետ կապված հետագա ծախսումների, պետք է ճանաչվի շահույթում կամ վնասում այն հաշվետու ժամանակաշրջանում, երբ այն դառնում է ստացման ենթակա:

Ակտիվներին վերաբերող շնորհները, ներառյալ իրական արժեքով հաշվառվող ոչ դրամային շնորհները, ֆինանսական վիճակի մասին հաշվետվությունում ներկայացվում են որպես նվազեցում ակտիվի հաշվեկշռային արժեքը որոշելիս: Այսինքն շնորհը նվազեցվում է ակտիվի հաշվեկշռային արժեքը հաշվարկելիս և արտացոլվում է շահույթում կամ վնասում մաշվող (ամորտիզացվող) ակտիվի օգտակար ծառայության ընթացքում՝ նվազեցված մաշվածության ծախսի ձևով:

#### **4.7 ՇԱՀՈՒԹԱՀԱՐԿ**

Ընթացիկ շահութահարկը տարվա համար հարկվող շահույթից վճարվելիք հարկն է՝ հաշվետու ամսաթվին գործող կամ ըստ էության գործող հարկային դրույքաչափերով՝ հաշվի առնելով նախորդ տարիների համար վճարվելիք հարկերի ճշգրտումները:

Հետաձգված հարկը հաշվարկվում է ակտիվների ու պարտավորությունների հաշվեկշռային արժեքների և շահութահարկի հաշվարկման ժամանակ օգտագործվող համապատասխան հարկային բազաների միջև ժամանակավոր տարբերություններից: Հետաձգված հարկային պարտավորությունները ճանաչվում են բոլոր հարկվող ժամանակավոր տարբերությունների համար:

Հիմնադրամի հաշվապահական հաշվառման քաղաքականությունը կիրառվել է հետևողականորեն սույն ֆինանսական հաշվետվություններում ներկայացված բոլոր ժամանակաշրջանների նկատմամբ:

#### **5.ԵԿԱՄՈՒՏՆԵՐ ՇՆՈՐՀՆԵՐԻՑ**

| <b>Հազար դրամ</b>                         | <b>2023թ.</b> | <b>2022թ.</b>  |
|-------------------------------------------|---------------|----------------|
| Եկամուտներին վերաբերող շնորհներից եկամուտ | 94,177        | 118,531        |
| Ակտիվներին վերաբերող շնորհներից եկամուտ   | 1,075         | 625            |
|                                           | <b>95,252</b> | <b>119,156</b> |

#### **6. ԱՅԼԵԿԱՄՈՒՏ**

| <b>Հազար դրամ</b>       | <b>2023թ.</b> | <b>2022թ.</b> |
|-------------------------|---------------|---------------|
| Եկամուտ գրքերի վաճառքից | 449           | 497           |
| Այլ                     | 182           | 35            |
| Ընդամենը այլ եկամուտ    | <b>631</b>    | <b>532</b>    |

## 7. ՎԱՐՉԱԿԱՆ ԾԱԽՍԵՐ

| Հազար դրամ                             | 2023թ.          | 2022թ.          |
|----------------------------------------|-----------------|-----------------|
| Աշխատավարձ և սոց.վճարներ               | (29,327)        | (37,764)        |
| Բանկային ծառայության ծախսեր            | (112)           | (90)            |
| Գրասենյակային և կոմունալ ծախսեր        | (3,379)         | (1,531)         |
| Փոստի և հեռահաղորդակցության ծախսեր     | (2,700)         | (928)           |
| Աուդիտորական ծախսեր                    | (545)           | (500)           |
| Հիմնական միջոցների մաշվածության ծախսեր | (84)            | (625)           |
| Այլ ծախսեր                             | (132)           | -               |
| <b>Ընդամենը՝</b>                       | <b>(37,042)</b> | <b>(41,438)</b> |

## 8. ԳՈՐԾԱՌՆԱԿԱՆ ԱՅԼ ԾԱԽՍԵՐ

| Հազար դրամ                                                | 2023թ.          | 2022թ.          |
|-----------------------------------------------------------|-----------------|-----------------|
| Կանոնադրական նպատակների իրականացմանն ուղղված աջակցություն | (56,259)        | (76,337)        |
| Այլ աջակցություն                                          | -               | -               |
|                                                           | <b>(56,259)</b> | <b>(76,337)</b> |

## 9.ՈՉ ԳՈՐԾԱՌՆԱԿԱՆ ԱՅԼ ԵԿԱՄՈՒՏ/ԾԱԽՍ

| Հազար դրամ                          | 2023թ.    | 2022թ.         |
|-------------------------------------|-----------|----------------|
| Եկամուտ արտարժույթի վերագնահատումից | 441       | 196            |
| Ծախս արտարժույթի վերագնահատումից    | (381)     | (9,274)        |
| Ոչ գործառնական զուտ եկամուտ/ծախս    | <b>60</b> | <b>(9,078)</b> |

## 10.ՇԱՀՈՒԹԱՀԱՐԿԻ ԳԾՈՎ(ԾԱԽՍ)/ԵԿԱՄՈՒՏ

Հաշվետու տարում Հիմնադրամն իր կանոնադրական նպատակների համար իրականացրած ձեռնարկատիրական գործունեության արդյունքում շահույթ չի ստացել, ուստի շահութահարկի գծով ծախս չի ունեցել:

**11. ՀԻՄՆԱԿԱՆ ՄԻՋՈՑՆԵՐ**

| Հազար դրամ                              | Համակարգչային տեխնիկա, հաղորդակցական սարքավորանք | Այլ հիմնական միջոցներ | Ընդամենը     |
|-----------------------------------------|--------------------------------------------------|-----------------------|--------------|
| <b>Մնացորդն առ 1 հունվարի 2022 թ.</b>   | <b>2,274</b>                                     | <b>330</b>            | <b>2,604</b> |
| Ավելացում                               | 2,095                                            | -                     | 2,095        |
| Նվազեցում                               | (1,853)                                          | (330)                 | (2,183)      |
| <b>Մնացորդն առ 31 դեկտեմբերի 2022թ.</b> | <b>2,516</b>                                     | <b>0</b>              | <b>2,516</b> |
| <b>Մնացորդն առ 1 հունվարի 2023 թ.</b>   | <b>2,516</b>                                     | <b>0</b>              | <b>2,516</b> |
| Ավելացում                               | 636                                              | 400                   | 1,036        |
| Նվազեցում                               | -                                                | (400)                 | (400)        |
| <b>Մնացորդն առ 31 դեկտեմբերի 2023թ.</b> | <b>3,152</b>                                     | <b>0</b>              | <b>3,152</b> |
| <b>Մաշվածություն</b>                    |                                                  |                       |              |
| <b>Մնացորդն առ 1 հունվարի 2022թ.</b>    | <b>1,141</b>                                     | <b>177</b>            | <b>1,318</b> |
| Ավելացում                               | 1,559                                            | 152                   | 1,711        |
| Նվազեցում                               | (1,848)                                          | (329)                 | (2,177)      |
| <b>Մնացորդն առ 31 դեկտեմբերի 2022թ.</b> | <b>852</b>                                       | <b>0</b>              | <b>852</b>   |
| <b>Մնացորդն առ 1 հունվարի 2023թ.</b>    | <b>852</b>                                       | <b>0</b>              | <b>852</b>   |
| Ավելացում                               | 1,189                                            | -                     | 1,189        |
| Նվազեցում                               | -                                                | -                     | -            |
| <b>Մնացորդն առ 31 դեկտեմբերի 2023թ.</b> | <b>2,041</b>                                     | <b>0</b>              | <b>2,041</b> |
| <b>Հաշվեկշռային արժեք</b>               |                                                  |                       |              |
| <b>Առ 31 դեկտեմբերի 2022թ.</b>          | <b>1,664</b>                                     | <b>0</b>              | <b>1,664</b> |
| <b>Առ 31 դեկտեմբերի 2023թ.</b>          | <b>1,111</b>                                     | <b>0</b>              | <b>1,111</b> |



## 12. ՖԻՆԱՆՍԱԿԱՆ ԱԿՏԻՎՆԵՐ

| Հազար դրամ                                          | 2023թ.       | 2022թ.       |
|-----------------------------------------------------|--------------|--------------|
| Ներդրում դուստր ընկերության կանոնադրական կապիտալում | 6,600        | 6,600        |
| <b>Ընդամենը</b>                                     | <b>6,600</b> | <b>6,600</b> |

Հիմնադրամը համաձայն 22.08.2016թ-ին ստորագրված բաժնեմասի նվիրատվության պայմանագրի «ՎԷՄ» բարեգործական հասարակական կազմակերպությունից որպես նվիրատվություն ստացել է «ՎԷՄ ՍՓԻԻՌ» սահմանափակ պատասխանատվությամբ ընկերության (գրանցված է 25.08.2000թ-ին Հայաստանի հանրապետությունում, գրանցման համար՝ 264.110.05140, գրանցման վկայական 03Ա1003978) մեկ բաժնեմասը: Բաժնեմասի չափը կազմում է 100%: Հիմնադրամը, հանդիսանալով «ՎԷՄ ՍՓԻԻՌ» ՍՊԸ-ի բաժնետոմսերի միակ սեփականատերը, հաշվետու տարում պատրաստել է առանձին ֆինանսական հաշվետվություններ:

## 13. ՏՐՎԱԾ ԿԱՆԽԱՎՃԱՐՆԵՐ

| Հազար դրամ                        | 2023թ.    | 2022թ.     |
|-----------------------------------|-----------|------------|
| Տրված կանխավճարներ աշխատակիցներին | 49        | -          |
| Այլ կանխավճարներ                  | 7         | -          |
| <b>Ընդամենը</b>                   | <b>56</b> | <b>647</b> |

## 14. ԸՆԹԱՑԻԿ ՖԻՆԱՆՍԱԿԱՆ ԱԿՏԻՎՆԵՐ

| Հազար դրամ                 | 2023թ.        | 2022թ.        |
|----------------------------|---------------|---------------|
| Տրամադրված փոխառություններ | 19,300        | 17,500        |
| <b>Ընդամենը</b>            | <b>19,300</b> | <b>17,500</b> |

## 15. ԴՐԱՄԱԿԱՆ ՄԻՋՈՑՆԵՐ և ԴՐԱՆՑ ՀԱՄԱՐԺԵՔՆԵՐ

| Հազար դրամ                   | 2023 թ.      | 2022թ.        |
|------------------------------|--------------|---------------|
| Կանխիկը դրամարկղում          | -            | -             |
| Դրամային հաշվի մնացորդ       | 1,133        | 1,534         |
| Արտարժույթային հաշվի մնացորդ | 6,275        | 12,620        |
| <b>Ընդամենը</b>              | <b>7,408</b> | <b>14,154</b> |

## 16. ԶՈՒՏ ԱԿՏԻՎՆԵՐ

Տարվա արդյունքն առաջանում է Հիմնադրամի կողմից հրատարակված գրքերի վաճառքից, այլ եկամտից և արտարժույթային հաշիվների վերագնահատումից:

## 17. ՇՆՈՐՀՆԵՐ

| Հազար դրամ                      | 2023 թ.       | 2022թ.        |
|---------------------------------|---------------|---------------|
| Ակտիվներին վերաբերող շնորհներ   | 7,711         | 7,849         |
| Եկամուտներին վերաբերող շնորհներ | 39,544        | 44,461        |
| <b>Ընդամենը</b>                 | <b>47,255</b> | <b>52,310</b> |

## 18. ԿՐԵԴԻՏՈՐԱԿԱՆ ՊԱՐՏՔԵՐ

| Հազար դրամ                                              | 2023թ.     | 2022թ.     |
|---------------------------------------------------------|------------|------------|
| Կրեդիտորական պարտքեր ստացված ծառայությունների գծով      | 648        | 290        |
| Կրեդիտորական պարտքեր հիմնական միջոցների ձեռքբերման գծով | -          | -          |
| Այլ կրեդիտորական պարտքեր                                | 47         | 494        |
|                                                         | <b>695</b> | <b>784</b> |

## 19. ՖԻՆԱՆՍԱԿԱՆ ԳՈՐԾԻՔՆԵՐ և ՌԻՍԿԵՐԻ ԿԱՌԱՎԱՐՈՒՄ

### (ա) Ամփոփ ներկայացում

Ֆինանսական գործիքներն օգտագործելիս Հիմնադրամը ենթարկում է հետևյալ ռիսկերին.

- Պարտքային ռիսկ
- Իրացվելիության ռիսկ
- Շուկայական ռիսկ

Սույն ծանոթագրությունում ներկայացված է տեղեկատվություն վերը նշված յուրաքանչյուր ռիսկին Հիմնադրամի ենթարկվածության մասին, ինչպես նաև ռիսկերի չափման և կառավարման հետ կապված Հիմնադրամի նպատակները, քաղաքականությունը և գործընթացները: Սույն ֆինանսական հաշվետվություններում ներկայացված են վերը նշված ռիսկերին վերաբերող թվային բացահայտումներ:

### Ռիսկերի կառավարման հիմունքներ

Ղեկավարությունը պատասխանատվություն է կրում Հիմնադրամի ռիսկերի կառավարման համակարգի մշակման և վերահսկողության համար: Ղեկավարությունը կանոնավոր կերպով հաշվետվություններ է ներկայացնում Հոգաբարձուների խորհրդին իր գործունեության վերաբերյալ:

Հիմնադրամի ռիսկերի կառավարման քաղաքականության նպատակն է բացահայտել և վերլուծել այն ռիսկերը, որոնց ենթարկվում է Հիմնադրամը, սահմանել ռիսկերի համապատասխան սահմանաչափեր և վերահսկման մեխանիզմներ, ինչպես նաև վերահսկել ռիսկերի մակարդակները և դրանց համապատասխանությունը որոշված սահմանաչափերին: Ռիսկերի կառավարման քաղաքականությունը և համակարգերը կանոնավոր կերպով վերանայվում են՝ շուկայական պայմանների ու Հիմնադրամի գործունեության փոփոխություններն արտացոլելու նպատակով:

**(բ) Պարտքային ռիսկ**

Վարկային ռիսկը ֆինանսական վնաս կրելու ռիսկն է, երբ ֆինանսական գործիքի պայմանագրային կողմն ի վիճակի չի լինում կատարել իր պայմանագրային պարտականությունները Հիմնադրամի նկատմամբ: Հիմնադրամը ցուցաբերում է առանձնահատուկ մոտեցում պայմանագրային յուրաքանչյուր կողմի նկատմամբ: Պարտքային ռիսկն առաջանում է հիմնականում գործընկերներից ստացվելիք դեբիտորական պարտքերի և կապակցված կողմերին տրված վարկերի գծով:

Հիմնադրամը չի պահանջում գրավ ֆինանսական ակտիվների գծով: Վարկային գնահատումներ իրականացվում են որոշակի սահմանաչափը գերազանցող գումարներ պահանջող հաճախորդների համար՝ բացառությամբ կապակցված կողմերի:

**(գ) Առևտրային և այլ դեբիտորական պարտքեր**

Վարկային ռիսկին Հիմնադրամի ենթարկվածությունը հիմնականում կախված է յուրաքանչյուր գործընկերոջ առանձնահատկություններից: Այնուամենայնիվ, ղեկավարությունը դիտարկում է նաև գործընկերների բազայի կառուցվածքը, ներառյալ տվյալ ոլորտի հաճախորդի ու երկրի կողմից հանձն առնված պարտականության չկատարման ռիսկը, քանի որ այս գործոնները կարող են ազդեցություն ունենալ վարկային ռիսկի վրա:

Հիմնադրամը ձևավորում է արժեզրկման գծով պահուստ, որն իրենից ներկայացնում է առևտրական և այլ դեբիտորական պարտքերի գծով կրած վնասների Հիմնադրամի գնահատականը: Այս պահուստը վերաբերում է անհատական հիմունքով ռիսկի զգալի գործոն պարունակող պարտքերին, որոնք արժեզրկված են:

**(դ) Գործարքներ փոխկապակցված կողմերի հետ**

Համաձայն «Փոխկապակցված կողմերի բացահայտում» ՀՀՄՍ 24-ի կողմերը համարվում են փոխկապակցված, եթե մի կողմը հնարավորություն ունի վերահսկել մյուս կողմին կամ էական ազդեցություն ունենալ մյուս կողմի ֆինանսական և գործառնական որոշումների կայացման վրա: Սույն ֆինանսական հաշվետվությունների տեսանկյունից, փոխկապակցված կողմերը ներառում են Ընկերության ղեկավարության անդամներին և նրանց հետ փոխկապակցված անձանց, ինչպես նաև այլ անձանց և կազմակերպություններին, որոնք փոխկապակցված են կամ համապատասխանորեն վերահսկվում են նրանց կողմից:

Հաշվետու տարվա ընթացքում Հիմնադրամի և իր կապակցված կողմերի միջև իրականացվել է հետևյալ գործարքը, և հաշվետու ամսաթվի դրությամբ մնացորդը հետևյալն է՝

**Հազար դրամ**

| Հ/հ | Մնացորդը 01.01.23թ. | Փոխառության տրամադրում | Փոխառության մարում | Մնացորդը 31.12.22թ. |
|-----|---------------------|------------------------|--------------------|---------------------|
| 1   | 17,500              | 3,000                  | 1,200              | 19,300              |

**(զ) Իրացվելիության ռիսկ**

Իրացվելիության ռիսկը ենթադրում է, որ Հիմնադրամը կունենա դժվարություններ՝ իր ֆինանսական պարտավորությունների հետ կապված պարտականությունները կատարելիս, որոնց մարումը պահանջում է դրամական միջոցների կամ մեկ այլ ֆինանսական ակտիվի տրամադրում:



Իրացվելիության ռիսկի կառավարման հարցում Հիմնադրամի մոտեցումն է ապահովել բավարար իրացվելիություն՝ բնականոն և արտակարգ իրավիճակներում պարտավորությունները կատարելու համար՝ առանց անընդունելի կորուստներ կրելու կամ Հիմնադրամի համբավը վտանգելու: Հիմնադրամը ապահովում է ցպահանջ դրամական միջոցների այնպիսի չափի առկայություն, որը բավարար կլինի ակնկալվող գործառնական ծախսերը ծածկելու համար՝ ներառյալ ֆինանսական պարտականությունների սպասարկման ծախսերը: Այս պարագայում հաշվի չի առնվում առանձնահատուկ հանգամանքների հնարավոր ազդեցությունը, որոնք հնարավոր չէ կանխատեսել, օրինակ՝ բնական աղետները:

**(է) Շուկայական ռիսկ**

Շուկայական ռիսկը Հիմնադրամի եկամտի կամ նրա ֆինանսական գործիքների արժեքի փոփոխության ռիսկն է շուկայական գների, այդ թվում արտարժույթի փոխարժեքի դրույքների, տոկոսադրույքների և բաժնետոմսերի գների փոփոխության արդյունքում: Շուկայական ռիսկի կառավարման նպատակը ռիսկի այնպիսի կառավարումն ու վերահսկումն է, որը թույլ կտա պահպանել այս ռիսկին ենթարկվածության աստիճանն ընդունելի սահմաններում<sup>a</sup> միաժամանակ ապահովելով ռիսկի դիմաց եկամտաբերության օպտիմալացումը:

**(ը) Արտարժույթի ռիսկ**

Արտարժույթի ռիսկի նկատմամբ Հիմնադրամի ենթարկվածությունը կապված է ֆունկցիոնալ արժույթից տարբեր այլ արժույթով արտահայտված գործարքների, ստացված շնորհների ու փոխառությունների հետ: Հիմնադրամն իր գործարքներն իրականացնում է ՀՀ դրամով: Արտարժույթի փոխարժեքային տատանումներից կախվածությունն առաջանում է հիմնականում արտարժույթով ստացված շնորհներից և արտարժույթային հաշվի մնացորդի վերագնահատումից: Այս գործարքները հիմնականում արտահայտվում են ԱՄՆ դոլարով:

**(թ) Տոկոսադրույքի ռիսկ**

Տոկոսադրույքների փոփոխություններն ազդեցություն են ունենում հիմնականում վարկերի և փոխառությունների վրա՝ փոխելով կամ դրանց իրական արժեքը (ֆիքսված դրույքով պարտք) կամ դրամական միջոցների ապագա հոսքերը (փոփոխական դրույքով պարտք): Հիմնադրամն իր փոխառությունները տրամադրել է անտոկոս: Ղեկավարությունը չի կիրառում ֆիքսված կամ փոփոխական դրույքների նկատմամբ Հիմնադրամի ենթարկվածության չափը որոշող քաղաքականություն: Այնուամենայնիվ, նոր փոխառություններ տրամադրելիս ղեկավարությունը կհիմնվի իր դատողությունների վրա՝ մինչև մարման ժամկետն ակնկալվող ժամանակաշրջանի ընթացքում ֆիքսված կամ փոփոխական դրույքներ կիրառելու նպատակահարմարության վերաբերյալ որոշում կայացնելը:

## 20. ՊԱՅՄԱՆԱԿԱՆ ԴԵՊԶԵՐ

### (ա) ՇՐՋԱԿԱ ՄԻՋԱՎԱՅՐԻ ՊԱՀՊԱՆՈՒԹՅԱՆ

Հիմնադրամը բավարարում է ՀՀ կառավարության պահանջները կապված շրջակա միջավայրի հետ և չունի պարտավորություններ կապված շրջակա միջավայրի հետ:

### (բ) ՎԵՐԱՀՍԿՈՂՈՒԹՅՈՒՆ

Հիմնադրամն ամբողջությամբ վերահսկվում է Հոգաբարձուների խորհրդի կողմից:

### (գ) ԻՐԱՎԱԿԱՆ և ՀԱՐԿԱՅԻՆ ՀԱՐՅԵՐ

Հայաստանի Հանրապետության հարկային համակարգը կարգավորող օրենսդրական դաշտը քննադրվում է հաճախակի փոփոխություններով, որոնք երբեմն հստակ չեն, հակասական են և պահանջում են մեկնաբանություններ: Շատ դեպքերում, այս կամ այն հարցում տարբեր հարկային և իրավասու մարմիններ տարբեր մեկնաբանություններ են ներկայացնում:

Հարկային մարմիններն օրենքով լիազորված են տուգանքներ և տույժեր առաջադրել:

Հարկային ստուգումը կարող է ներառել ստուգմանն անմիջապես նախորդող 3 օրացուցային տարին: Որոշ հանգամանքներում հարկերի ստուգումը կարող է ընդգրկել ավելի վաղ ժամանակաշրջաններ: Ղեկավարությունը համոզված է, որ Հիմնադրամն իր գործունեությունը ծավալում է օրենսդրությամբ նախատեսված պահանջների շրջանակներում և պատշաճ կերպով կատարել է իր հարկային պարտավորությունները:

«ՎԷՄ» ԿՐԹԱՄՇԱԿՈՒԹԱՅԻՆ ՀԻՄՆԱԴՐԱՄ

ԳՈՐԾԱԴԻՐ ՏՆՕՐԵՆ՝

ԳԼԽԱՎՈՐ ՀԱՇՎԱՊԱՀ՝



Մ.ԱՐԱՄՅԱՆ

ՀՈՎՀԱՆՆԻՍՅԱՆ